

լինի, գրաւել Սուրմալուն: Հայերն էլ վճռել էին աւելի շուտ մեռնել, բայց տեղի չտալ և երեք օր շարունակ, առանց ընդմիջումի, ամբողջ ճակատի վրա մղւում էին արիւնահեղ կռիւներ: Տեղ-տեղ, ինչպէս Դալիզդաշի դիրքերում, որ պաշտպանում էր Կուռօ Թարխանեանը, զինւորների ու սպաների յիսուն տոկոսը սպանւեց կամ վիրաւորւեց, բայց չնահանջեց: Սուլթանաբադի դիրքերում թշնամին կուռում էր մի քանի հարիւր քայլ հեռաւորութիւնից: Սպայութիւնը՝ զնդ. Խուզարաշեան, Մամաջանեան, Գալուստեան, Յովսէփեան, Թարվերդեան, Թարխանեան, Մակ-Մալիցկի, Թոփչեան, Արզարեան, Պետրոսեան, Ղամբարեան և ուրիշներ ցոյց տւին հերոսութեան փայլուն օրինակներ: Առաջ բերենք մի օրինակ միայն: Կուռի երկրորդ օրը, Դրօի հրամանով, Քանաքեռից, բեռնատար ինքնաշարժներով, օգնութեան է շտապում Կուռօ Թարխանեանը: Մարզարայում պարզւում է, որ խճուղին բռնւած է թշնամու կողմից. առաջ գնալու հնարաւորութիւն չկայ: Առանց երկար մտածելու, Կուռօն դատաւորում է զինւորներին ինքնաշարժերի վրա, ինքը նստում է առաջին ինքնաշարժի վարիչի մօտ և չորս ինքնաշարժները, իրարից յիսուն քայլ հեռու, արագութեամբ քշել է տալիս խճուղիով, միաժամանակ, զնդացիներին սաստիկ կրակ բանալով ճանապարհի երկու կողմով: Թշնամին յանկարծակիի է դալիս և սարսափահար պաշտում առունքում: Տալով ութ զինւոր վիրաւոր և զնդացիբային մասի պետ հերոս Մալիցկիին սպանւած՝ Կուռօն ճեղքում է թշնամու շղթան և հասնում օրհասական դիմադրութիւն ցոյց տուող Դալիզդաշին օգնութեան:

Հոկտ. 26-ին մեր զօրամասերն անցան հակադարձակաման: Թշնամին բոլոր կէտերում, կատաղի դիմադրութիւնից յետոյ, ըզգձաթիւ դիակներ թողնելով, դիմեց խուճապային փախուստի: Ու հետզհետէ հեռացաւ Բարթոլեան լեռների միւս կողմը: Երևանը, որ մի քանի օր արդում էր Սուրմալուից հասնող թնդանօթների որոտի տակ և սարսափահար սպասում էր ճակատամարտի ելքին, հանդիստ շունչ քաշեց: Թշնամին այլևս Սուրմալուի ճակատում կենդանի գործունէութիւն ցոյց չտւեց:

Բոլորովին այլ ընթացք ստացան դէպքերը Կարսի ճակատում: Այստեղ գործում էին զօրավար Յովսէփեանի բրիգադը — առաջին գունդ՝ զնդ. Մազմանեան, 4րդ գունդ՝ զնդ. Միրիմանեան, 5րդ գունդ՝ զնդ. Շաղուբադեան. Սեպուհի բրիգադը. 7րդ գունդ՝ զնդ. Իշխանեան, 8րդ գունդ՝ փոխ. զնդ. Բաղդասարեան. Գնդ. Ղորղանեանի ձիաւոր բրիգադը և մի քանի կամաւորական խմբեր՝ Փիլոսի, Մուրատեանի, Սմբատի և այլն: Կարսի ճակատում գործում էին սաւառնակներ և «Ազատամարտ» զրահագնացքը: Կարսի բերդապետն էր՝ զօրավար Փիրումեանը, իսկ բերդի հրետանիի պետն էր բուլղար սպայ՝ զնդ. Բաբաջանովը: Կարսի զօրախմբի ընդհանուր հրամանատարն էր՝ զօրավար Սիլիկեանը, սպայակոյտի պետ՝ զնդ. Վեքիլեանը: Թէ բերդի և թէ դաշտային մասերը թոյլ էին կազմակերպւած. զինւորների մեծ մասը նոր էր հաւաքւած և չէր մերւած զնդերում: Սպաների և զինւորների փոխյարաբերութիւնը շատ մասերում մտերմական չէր: Լաւ չէին և